


[ISSN 2181-1369](#)

# IRRIGATSIYA va MELIORATSIYA

Nº1(31).2023

*Journal of Irrigation  
and Melioration*



## ИРРИГАЦИЯ ВА МЕЛИОРАЦИЯ

С.Х.Исаев, Х.С.Хусанбаева, С.А.Дўстназарова, Ж.Д.Нарзуллаев Соянинг “Нафис” ва гулкарарнинг “Раскот” навини ёмғирлатиб сугориш самарадорлиги .....	6
А.М.Арифжанов, С.Н.Хошимов Сув омборларида дарё оқизикларини бошқаришнинг гидравлик модели .....	11
А.Б.Маматалиев, М.А.Маликова Чирчиқ-Оҳангарон воҳасининг типик бўз тупроқлари шароитида ғўзани томчилатиб сугоришнинг аҳамияти.....	16
З.Худоёрөв Ёмғирлатиб сугориш қурилмасини эксперименталтадқиқоти натижалари.....	22

## ГИДРОТЕХНИКА ИНШООТЛАРИ ВА НАСОС СТАНЦИЯЛАР

Б.К.Салиев, Э.И.Бердиёров, М.Б.Салиева, Р.И.Турахонов “Сариқўрғон” гидроузели иншоотлари остидаги фильтрация оқимини моделлаштириш .....	28
B.A.Khudayarov, F.Zh.Turaev Development and research of the method of static systems identification by hysteresis .....	35

## ҚИШЛОҚ ХЎЖАЛИГИНИ МЕХАНИЗАЦИЯЛАШ

Б.М.Худајоров, У.Т.Қузиев Пушта олиш жараёнида гўнг солиш қурилмасининг ишчи қисми параметрларини асослаш.....	48
---	----

## ҚИШЛОҚ ХЎЖАЛИГИНИ ӘЛЕКТРЛАШТИРИШ ВА АВТОМАТЛАШТИРИШ

Н.М.Маркаев Ўзгарувчан электр токи билан ишлов беришни узум новда қаламчалари тутувчанлигига таъсирини назарий асослаш.....	54
Н.Б.Пирматов, А.Т.Паноев Ем майдалаш қурилмасининг асинхрон моторини статик ва динамик режимларини математик моделлаштириш орқали барқарор иш режимда ишлашини таъминлаб энергия тежамкорлигини аниклаш .....	60

## СУВ ХЎЖАЛИГИ СОҲАСИ УЧУН КАДРЛАР ТАЙЁРЛАШ

Ж.А.Қосимов БИМ технологиясидан фойдаланган ҳолда гидротехник иншоотлар 3Д моделини қуриш.....	67
А.Рамазанов, Ф.Садиев Кадры – основа инновационного развития.....	73

УЎТ: 635.45

## СОЯНИНГ “НАФИС” ВА ГУЛКАРАМНИНГ “РАСКОТ” НАВИНИ ЁМФИРЛАТИБ СУГОРИШ САМАРАДОРЛИГИ

**С.Х.Исаев – қ.х.ф.д., профессор, “ТИҚҲММИ” МТУ, Х.С.Хусанбаева – докторант, ПСУЕАИТИ,  
С.А.Дўстназарова – докторант, “ТИҚҲММИ” МТУ, Ж.Д.Нарзуллаев – докторант, “ТИҚҲММИ” МТУ**

### Аннотация

Маълумки, кейинги йилларда иқлим ўзгаришини таҳлилларга назар соладиган бўлсак, 1960–2014 йиллардаги чучук сув истеъмолини баҳолаш кўрсаткичларига кўра, жами чучук сув сарфининг 70 фоизи қишлоқ хўжалиги ва чорвачилик секторлари ҳиссасига тўғри келган бўлиб, шундан қишлоқ хўжалиги ерларининг 20 фоизи сугориладиган ерлар бўлиб, бу ерлarda жами озиқ-овқат маҳсулоти ҳажмининг 40 фоизи ишлаб чиқарилган. Аҳолининг озиқ-овқат маҳсулотларга бўлган эҳтиёжларини қондириш ва сув ресурсларидан самарали фойдаланиш мақсадида Тошкент вилоятининг ўтлоқи бўз тупроқлари шароитида соянинг “Нафис” ҳамда гулкамамнинг “Раскот” навларини парваришлада ёмғирлатиб сугоришида соянинг “Нафис” навини сугоришини ўтлоқи бўз тупроқлар ўсуви давомида 3-5-5 тизимда, ҳар галги сугориши меъёри 220–230 м<sup>3</sup>/га мавсумий сугориши меъёри 2880 м<sup>3</sup>/га ҳамда гулкамамнинг “Раскот” навини ўсуви давомида 2-4-5 тизимда, ҳар галги сугориши меъёри 220–225 м<sup>3</sup>/га, мавсумий сугориши меъёри 2440 м<sup>3</sup>/га меъёра ёмғирлатиб сугорилганлиги баён этилган.

**Таянч сўзлар:** соя ва гулкамам навлари, ёмғирлатиб сугориши усули, тупроқнинг ғоваклиги, тупроқнинг сув ўтказувчилиги, чекланган дала нам сифими, сугориши меъёри, сугориши муддатлари, мавсумий сугориши меъёри, соя ва гулкамамнинг ўсиб-ривожланиши, экинлар ҳосилдорлиги.

## ЭФФЕКТИВНОСТЬ СПОСОБА ПОЛИВА ДОЖДЕВАНИЕМ ПРИ ПОЛИВЕ СОРТА РАСТЕНИЙ СОИ “НАФИС” И ЦВЕТНОЙ КАПУСТЫ “РАСКОТ”

**С.Х.Исаев – д.с.х.н, профессор, НИУ “ТИИИМСХ”, Х.С.Хусанбаева – докторант, НИИССАВХ,  
С.А.Дўстназарова – докторант, НИУ “ТИИИМСХ”, Ж.Д.Нарзуллаев – докторант НИУ “ТИИИМСХ”**

### Аннотация

Анализ изменения климата в последующие годы с 1960 по 2014 показал что 70% общего потребления пресной воды приходилось на сельское хозяйство и животноводство, из них 20% составляли орошаемые земли сельскохозяйственных угодий, и на этих землях производилось 40% всего производства продуктов питания. В целях увеличения потребности населения в продуктах питания и рационального использования водных ресурсов в условиях сероземов Ташкентской области применялся способ полива дождеванием культуры сои сорта “Нафис” по схеме 3-5-5 в течение вегетационного поливные нормы составляли 220–30 м<sup>3</sup>/га, оросительная норма 2880 м<sup>3</sup>/га, у сорта цветной капусты “Раскот” по схеме 2-4-5 в течение вегетационного периода поливные нормы составляли 220–225 м<sup>3</sup>/га, оросительная норма 2440 м<sup>3</sup>/га.

**Ключевые слова:** виды сои и цветной капусты, способ полива дождеванием, пористость почвы, водопроницаемость, предельная полевая влагоёмкость, нормы полива, сроки оросительная норма, рост и развитие сои и цветной капусты, урожайность культур.

## EFFICIENCY OF THE SPRINKLING IRRIGATION METHOD FOR IRRIGATION OF SOYAN “NAFIS” AND CAULIFLOW PLANTS “RASKOT”

**S.X.Isaev – Doctor of Agricultural Sciences, Professor, NRU “TIIAME”, Kh.S.Khusanbaeva – doctorant, CBSPARI,  
S.A.Dostnazarova – doctorant, NRU “TIIAME”, J.D.Narzullaev – doctorant, NRU “TIIAME”.**

### Abstract

As you know, if you look at the analysis of climate change in subsequent years, then fresh water indicators from 1960 to 2014, 70% of the total fresh water consumption accounted for agriculture and animal husbandry, of which 20% is irrigated agricultural land, and on these lands produces 40% of the total food production. In order to reduce the population's in the Tashkent reion, the method was used for soybean crops “Nafis” variety was applied, watered accordin to the 3-5-5 scheme durin the rowing season, irrigation rates werw 220–230 м<sup>3</sup>/ha, irrigation rates were 2880 м<sup>3</sup>/ha, in the color carousta variety Raskot” 2-4-5 during the growin season in the sistem, irriation rates are 220–225 м<sup>3</sup>/ha, irrigation rates are 2440 м<sup>3</sup>/ha of irrigation.

**Key words:** soybean and cauliflower species, sprinkling irrigation method, soil bulk density, soil porosity, soil water permeability, field capacity limit, irrigation rates, irrigation timing, irrigation rate, growth development of soybeans and cauliflower, crop yields.



**К**ириш. Хозирда дунё аҳолисининг сони ошиб бо-  
риши натижасида озиқ-овқат маҳсулотларига бўлган талаб кун сайин ортиб бормоқда. Дунёда соя экини 122,1 млн. гектар майдонда асосий ҳамда тақрорий экин сифатида етиштирилмоқда. Экин майдони бўйича буғдој, шоли ва маккажӯхоридан кейин тўртинчи ўринни

эгаллайди ва йиллик ялпи дон ҳосили 220,6 млн. тоннани ташкил этади. АҚШ, Аргентина, Бразилия каби давлатлар соя дони экспорти бўйича етакчи ўринни эгаллайди. Хитой, Корея ва бошқа Осиё мамлакатлари асосий импорт қиулувчилардир. ФАО маълумотларига кўра, дунё бўйича 2021 йилда 1,66 млн. тонна соя дони етиштирилди. Бу

кўрсаткич ҳар йили 2,2 фоизга ошмоқда ҳамда 2030 йилга бориб 371,3 млн. тонна ҳосил олиш кутилмоқда [1, 2].

Халқаро сув ресурсларини бошқариш институти (IWMI) ҳисоб-китобларига кўра, 2025 йилга бориб дунёда тахминан 3,5 млрд. аҳоли сув танқислиги муаммосига дуч келиши мумкин. Хусусан, ривожланаётган давлатларда табиий ресурсларни бошқаришнинг мукаммал стратегияси ва сиёсатининг амалда ишламаслиги ҳисобига бу кўрсаткич 1,2–1,8 млн. кишига етади. 2080 йилга бориб эса экинларни сугориш самарадорлигининг ошишига қарамасдан, глобал иқлим, об-ҳаво, ёғингарчилик ва ўсимликлар вегетация даврининг ўзгариб кетиши сабабли чучук сувга бўлган талаб 25 фоизга ортиши башорат қилинмоқда [3].

Ҳозирги кунда бутун дунёда 17 та давлат “ўта юқори” даражада сув танқислигига учраган мамлакатлар ҳисобланади. Ўзбекистон мазкур кўрсаткич бўйича 164 та давлат орасида 25-ўринда туради (бешлик шкалада 2-даражада), яъни “юқори” даражада сув танқислигига учраган давлатлар қаторига киради.

Ўзбекистон ахолисининг 2030 йилга бориб, қарийб 40 млн. кишига етиши мавжуд сув ресурсларининг 7–8 км<sup>3</sup> га қисқаришини келтириб чиқарди. Бундай шароитда сув танқислиги даражаси 13–14 фоиздан 44–46 фоизгача ошиши мумкин. Бу эса қишлоқ хўжалигининг ривожланишига салбий таъсир кўрсатади [4].

**Адабиётлар таҳлили ва масаланинг қўйилиши.** Соя навларини асосий экин сифатида томчилатиб сугориш усулидан фойдаланган ҳолда етиштириш ҳамда унинг биологияси ва етиштириш агротехнологияларини ўрганиш бўйича хорижда В.В.Мелихов, Н.А.Горбачова, Е.П.Боровой, О.А.Белик, К.А.Тимирязова, В.И.Кузнецов, А.С.Овчинников, С.А.Курбанов, М.Н.Лытов, П.Вавилов, А.Бабич, Г.Посыпанов, Л.Вислобокова, О.Иванова, С.Иванов, Л.Губанов, В.Литвинов., А.Севостьяннов, М.Мирошниченко, С.Антонов, Е.Ефимов, А.Nel, H.Loubser, P.Hammes, мамлакатимизда эса К.Мирзажонов, Х.Атабаева, Д.Ёрматова, У.Норқулов, Н.Халилов, Б.Халиков, С.Исаев, Ф.Намозов, У.Неъматов каби олимлар томонидан кенг қамровли илмий ишлар олиб борилган [5, 6, 7].

Шунингдек, асосий муддатларда мазкур экин навларини парваришилашда минерал ўғитлар билан озиқлантириш меъёрлари, сояни маккажӯҳори билан қўшиб экиш агротехнологияси, соя ва кунгабоқарни етиштириш агротехнологияси элементларини такомиллаштириш, дон сифатига агротехнологик тадбирларга боғлиқлиги динамикасини аниқлаш бўйича ҳам чукур изланишлар олиб борилган [8, 9, 10].



1-расм. Соя ва гулкарамни ёмғирлатиб сугориш схемаси

Юқоридаги муаммолардан келиб чиқиб, мамлакатимизда кейинги йилларда кузги буғдой, фӯза, соя, гулкарам ва бошқа экинларни етиштиришда янги инновацион тежамкор сугориш технологияларини ишлаб чиқиши ва амалиётта жорий этиш долзарб масала ҳисобланади [11, 12].

**Тадқиқотнинг мақсади:** Тошкент вилоятининг ўтлоқи-бўз тупроқлари шароитида соя ва гулкарам ўсимликларини ёмғирлатиб сугориш усулини ишлаб чиқиши ҳисобланади.

**Тадқиқот объекти** сифатида Тошкент вилоятининг қадимдан сугориладиган, ўтлоқи бўз тупроқлари, ёмғирлатиб сугориш усули, соя, гулкарам ўсимликлари олинган.

**Тадқиқотнинг предмети** ёмғирлатиб сугориш усули, сугориш сони, мавсумий сугориш меъёри, соя ва гулкарамнинг ўсиши, ривожланиши, ҳосилдорлиги ҳисобланади.

**Тадқиқотнинг усуллари** илмий тажриба тадқиқотлари лаборатория ва дала тажрибаларини ўтказиш, фенологик кузатиш ва биометрик ўлчашлар “Методика государственного сортиспытания сельскохозяйственных культур”, “Дала тажрибаларни ўтказиш услублари” (ЎзПТИ) асосида олиб борилди. Соя ва гулкарам ҳосили мълумотларига Б.А.Доспеховнинг “Методика полевого опыта” кўлланмасидаги дисперсион таҳлил услуби ҳамда компььютер дастури ёрдамида математик-статистик таҳлил қилиш услубий кўлланмаларига риоя қилинган ҳолда ўтказилди [13, 14, 15].

**Тадқиқот натижалари.** 2022 йил “ТИҚҲММИ” МТУнинг Ўқув-илмий тажриба маркази худудида соянинг “Нафис” нави, гулкарамнинг “Раскот” навини ёмғирлатиб сугориш усули бўйича илмий тадқиқотлар 0,67 га майдонда олиб борилди (1-расм).

2022 йил 11 апрель куни соянинг “Нафис” навининг супер элита уруғи экилди. Соя навини парваришилашда 3 марта ҳашаротларга қарши ишлов берилди, 6 марта қатор орасига ишлов берилди, бегона ўтларга қарши қўл кучи ёрдамида 5 марта ишлов берилди, 5 марта эгатлаб ва 13 марта ёмғирлатиб сугорилган бўлса, гулкарамнинг “Раскот” нави эса 5 марта эгатлаб ва 11 марта ёмғирлатиб сугориш ишлари амалга оширилди [16, 17].

Тажриба майдони тупроғининг механик таркибини аниқлаш бўйича ўтказилган лаборатория таҳлиллари натижалари кўра ҳайдалма қатлами ўрта, пастки қатламлари енгил кумоқдан ташкил топган, лёссимон ётқизиқларда жойлашган, ботқоқланишга мойил, сугориладиган ўтлоқи бўз унумдорлиги паст тупроқлардан иборатлиги аниқланди [18, 19, 20].

Тупроқнинг агрокимёвий таҳлили учун умумий фон сифатида олинган тупроқ намуналарида тупроқнинг 0–30 см ҳайдов қатламда гумус миқдори 0,822%, ҳайдов ости 30–50 см қатламда 0,810 фоизни ташкил килган бўлса, шунингдек, асосий озиқа моддалардан умумий азот ва фосфор элементларининг миқдори ушбу қатламларда мутаносиб равишда 0,089–0,077% ва 0,094–0,088% атрофига бўлган бўлса, тупроқ таркибидаги озиқа моддаларнинг ҳаракатчан шакли  $\text{NO}_3^-$  9,89–8,7 мг/кг,  $\text{P}_2\text{O}_5$  18,7–16,9 ҳамда  $\text{K}_2\text{O}$  158–146 мг/кг кўрсаткичларни ташкил этганлиги аниқланди.

Тупроқ ҳажмий массасини аниқлаш учун белгиланган қатламлардан тупроқ намуналари маҳсус, ҳажми маълум бўлган цилиндрда олиб лабораторияга олиб келинди. Тупроқнинг ҳажм массаси қуруқ тупроққа нисбатан бўлганлиги учун аввал тупроқнинг намлигини аниқлаб олинди ва тупроқнинг соғ оғирлигини цилиндр ҳажмига бўлиб, қўйидаги формула орқали тупроқ ҳажм массаси аниқланди:

$$d = \frac{P}{V} \quad (1)$$

бу ерда:  $d$  – тупроқнинг ҳажм массаси,  $P$  – цилиндрда тупроқнинг соғ оғирлиги, г,  $V$  – цилиндрнинг ҳажми, см<sup>3</sup>.

Шунингдек, турли тупроқларда ғоваклик 40–50% атрофида бўлади.

Тупроқ ғоваклиги қўйидаги формула орқали ифодаланади:

$$P = 100 - \frac{d * 100}{2,70} \quad (2)$$

бу ерда:  $P$  – тупроқнинг ғоваклиги, %,  $d$  – ҳажм оғирлиги ёки тупроқ зичлиги, 2,70 – ўтлоқи-бўз тупроқларнинг ўртача солиширига ҳажми.

Амал даври бошида умумий таглика ўрганилган тупроқдаги агрофизик кузатиши натижаларининг кўрсатишича, тажриба даласининг 0–30 см қатламидаги ҳажм массаси 1,28 г/см<sup>3</sup>, 0–50 см. да 1,31 г/см<sup>3</sup>, 0–70 см. да 1,34 г/см<sup>3</sup> ва 0–100 см. да эса 1,37 г/см<sup>3</sup> га teng бўлган бўлса, тажриба майдонининг ўртача ғоваклиги юқоридан пастга қараб камайиб борди, яъни 0–30 см. да 52,9%, 0–50 см. да 51,5%, 0–70 см. да 50,4% ва 0–100 см. да 49,3 фоизни ташкил этди.

Тажриба олиб борилган майдонда ўсимликларнинг амал даври охирига келиб варианtlар ўртасида энг кам миқдордаги тупроқ ҳажм массасининг ўзгариши қўйидагича бўлди, яъни назорат вариантида соя навларини эгатлаб сугоришида 0–30 см. да 1,36 г/см<sup>3</sup>, 0–50 см. да 1,42 г/см<sup>3</sup>, 0–70 см. да 1,44 г/см<sup>3</sup> ва 0–100 см. да 1,45 г/см<sup>3</sup> ни ташкил қилди. Тупроқнинг ҳажм массаси катта миқдордаги ўзгариши соя навини ёмғирлатиб сугоришида вариантида кузатилди ва тегишлича 1,39, 1,41, 1,43 ва 1,44 г/см<sup>3</sup> га teng бўлганлиги тажрибада олиб борилган тадқиқот натижаларида кузатилди.

Амал даври бошида тупроқнинг сув ўтказувчанилиги 6 соат давомида гектарига 882 м<sup>3</sup> ни, 88,2 мм. ни ёки 0,24 мм/мин. ни ташкил қилган бўлса, амал даври давомида тажриба даласига сугориш ишлари ҳамда агротехник тадбирлар амалга оширилиши ҳисобига амал даври охирига бориб, тупроқнинг сув сингдириш хусусиятлари пайсиши кузатилди.

Амал даври бошида тажриба даласидаги тупроқнинг дала нам сифими ҳайдов усти – 0–30 см. ли қатламда 21,5%, 0–50 см. ли қатламда 21,6%, 0–70 см. да 21,8%, 0–100 см. ли қатламда эса ўртача 22,2 фоизни ташкил эт-

ганлиги кузатилди ва вегетация даврида соя ва гулкаманини ҳар галги сугоришлар тупроқнинг дала нам сифимирия қилинган ҳолда амалга оширилди.


Соя ва гулкаманини сугоришларнинг меъёри ва сони эса ўсимликтарнинг тури ва навига, иклимий, гидрогеологик ва тупроқ-мелиоратив шароитларга боғлиқ ҳолда С.Н.Рыжов тавсия этган намлик меъёри формуласи орқали аниқланади:

$$m = (W_{\text{ЧДНС}} - W_{\text{ФАК}})100J + k, \text{ м}^3/\text{га}$$

бунда:  $W_{\text{ЧДНС}}$  – тупроқнинг чегараланган дала нам сифими, тупроқ оғирлигига нисбатан %;  $W_{\text{ФАК}}$  – сугориш олди тупроқнинг намлиги, тупроқ оғирлигига нисбатан %;  $J$  – тупроқнинг ҳажм массаси, г/см<sup>3</sup>;  $h$  – ҳисобий қатлам, м;  $k$  – сугориш давомида булганишга кетган сув сарфи, м<sup>3</sup>/га (ҳисобий қатламдаги намлик етишмовчилигидан 10%).

2022 йилда олиб борилган тадқиқотларда сояни эгатлаб сугориши 1-2-2 тизимда 5 маротаба сугорилиб, гуллашгача фазасида 1 маротаба 590 м<sup>3</sup>/га, гуллаш-хосил тўплаш фазасида 2 маротаба 600, 650 м<sup>3</sup>/га мөъёрларда, пишиш фазасида эса 2 маротаба 650, 640 м<sup>3</sup>/га мөъёрда сугорилиб, сугориш давомийлиги 15–17 соатни, сугоришлар ораси 24–37 кунни, мавсумий сугориш меъёри 3130 м<sup>3</sup>/га. ни ташкил этган бўлса, сояни ёмғирлатиб сугоришида 3-5-5 тизимда 13 маротаба сугорилиб, гуллашгача фазасида 3 маротаба 320, 320, 320 м<sup>3</sup>/га, гуллаш-хосил тўплаш фазасида 5 маротаба 240, 240, 240, 240, 240 м<sup>3</sup>/га мөъёрларда, пишиш фазасида эса 5 маротаба 240, 240, 240, 240, 240 м<sup>3</sup>/га мөъёрда сугорилиб, сугориш давомийлиги 2,0–2,5 соатни, сугоришлар ораси 6–12 кунни, мавсумий сугориш меъёри 2880 м<sup>3</sup>/га. ни ташкил қилганлиги кузатилди. Сояни эгатлаб сугорилганга нисбатан сояни ёмғирлатиб сугорилган варианtlарда 250 м<sup>3</sup>/га сув кам сарфланганлиги аниқланди. Шунингдек, гулкаманинг “Раскот” навини ўсув давомида 2-4-5 тизимда, ҳар галги сугориш меъёри 220–225 м<sup>3</sup>/га, мавсумий сугориш меъёри 2440 м<sup>3</sup>/га ёмғирлатиб сугорилганда юқори ҳосил олишга эришилди.

Соянинг “Нафис” навини сугориши ўтлоқи бўз тупроқлар шароитида соя навини ёмғирлатиб сугоришида эгатлаб сугориш вариантига нисбатан қўшимча 4,2 ц/га гача, гулкаманинг “Раскот” навида эса 2,3 ц/га. гача қўшимча ҳосил олишга эришилди (2-расм).



**2-расм. Соя ва гулкаманинг ҳосилдорлиги, ц/га**

**Хулоса.** Олиб борилган тажриба тадқиқотларининг натижаларига кўра, соянинг “Нафис” навини сугориши ўтлоқи бўз тупроқлар ўсув давомида 3-5-5 тизимда, ҳар галги сугориш меъёри 220–230 м<sup>3</sup>/га мавсумий сугориш меъёри 2880 м<sup>3</sup>/га ҳамда гулкаманинг “Раскот” навини ўсув давомида 2-4-5 тизимда, ҳар галги сугориш меъёри 220–225 м<sup>3</sup>/га, мавсумий сугориш меъёри 2440 м<sup>3</sup>/га ёмғирлатиб сугориш тавсия этилади (3-расм).



3-расм. Тадқиқот жараёнлари

№	Адабиётлар	References
1	Ўзбекистон Республикаси Президентининг 2020 йил 10 июлдаги “Ўзбекистон республикасида сув хўжалигини ривожлантиришнинг 2020-2030 йилларга мўлжалланган Концепциясини тасдиқлаш түгрисида”ги ПФ-6024-сонли фармони. – Тошкент, 2020.	O'zbekiston Respublikasi Prezidentining 2020 yil 10 iyuldag'i "O'zbekiston respublikasida suv xo'jaligini rivojlantirishning 2020-2030 yillarga mo'ljalangan Konsepsiyasini tasdiqlash to'g'risida" [Decree of the President of the Republic of Uzbekistan dated] Iyun 10, 2020, №.6020: "Strategy of action on five priorities of development of the Republic of Uzbekistan"
2	Атабаева Х.Н., Исройлов И.А. Такрорий экилган соя навларининг ўсиши, ривожланиши, хосилдорлигига минерал ўғитлар таъсири // Халқаро конференция материаллари тўплами. – Тошкент, 1998. – Б. 12-14.	Atabayeva X.N., Israilov I.A. <i>Takroriy ekilgan soya navlarining o'sishi, rivojlanishi, hosildorligiga mineral o'g'itlar ta'siri</i> [The influence of mineral fertilizers on the growth, development and fruitfulness of soybean replicated soybean sorts planted as re-sowing International symposium], Tashkent, 1998 Pp.12-14 (in Uzbek)
3	Атабаева Х.Н. Соя экишни етиштириш бўйича тавсиялар. – Тошкент, 2003. – Б. 6-8.	Atabaeva X.N. <i>Soya ekishni yetishtirish bo'yicha tavsiyalar</i> [Recommendations for sowing and growing soybean]. Tashkent MAWM, 2003, Pp. 8 (in Uzbek)
4	Атабаева X., Ўринбоева Г. Соя ўсимлиги хосилдорлигига нитратли ва маъдан ўғитларнинг таъсири // “Кишлоқ хўжалигида илғор технологиялар” мавзудаги илмий-амалий конференция материаллари тўплами. – Андижон, 2003. 1-китоб. – Б. 201-205.	Atabayeva X., Urinboeva G. <i>Soya o'simligi hosildorligiga nitratlari va ma'dan o'g'itlarning ta'siri</i> [Effect of nitrate and mineral fertilizers on productivity of soybean plant]. Conference "Advanced technologies in agriculture". Andijan, 2003. 1st book. p. 201-205 (in Uzbek)
5	Исройлов И.А. Суғориладиган шароитда такрорий экин сифатида экилган соя навларининг хосилдорлигига ўтил меъёrlари ва нитрогинни таъсири. К.х.ф.н. илмий даражаси учун ёзилган диссертация. – Тошкент, 2005. – 145 б.	Israilov I.A. <i>Sugoriladigan sharoitda takroriy ekin sifatida ekilgan soya navlarining khosildorligiga ogit moyorlari va nitroginni tasiri</i> [The effect of fertilizer and nitrogen standards on the productivity of soybean sorts planted as repetitive crop in irrigated conditions]. Dissertation for academic degree of Candidate of Agricultural Sciences. Tashkent, 2005. P. 145 (in Uzbek)
6	Литов М.Н. Технология возделывания сои на зерно при орошении. Автореф. дисс. канд. с-х наук. – Москва, 2003. – 27 с.	Litov M.N. <i>Texnologiya vozdelivaniya soi na zerno pri oroshenii</i> [Technology of cultivating soybean during irrigation]. - M.N.Litov. Auth. dissertation Candidate of Agricultural Sciences. Moscow, 2003 Pp. 27 (in Russian)
7	Исаев С.Х., Б.Хайдаров. "Андижон-36" гўза навини суғориш тартибларининг пахта хосилдорлигига таъсири // “Иrrигация ва мелиорация” журнали. – Тошкент, 2018. – №1(11). – Б. 9-12.	Isaev S.X. Haydarov B. "Andijon-36" g'o'za navini sug'orish tartiblarining paxta hosildorligiga ta'siri [The influence of irrigation regimes of sort of cotton "Andijon-36" on cotton yield]. Magazine "Irrigation and melioration" №1(11), 2018 Pp. 9-12 (in Uzbek)
8	А.Рамазонов, С.Буриев. О режиме орошения сельскохозяйственных культур // Ж.: “Иrrигация ва мелиорация”. – Ташкент, 2018. – №1 (11). – С.13-18.	A.Ramazanov, S.Buriev. <i>O regime orosheniya sel'skoxozyaystvennyx kul'tur</i> [About crop irrigation mode of agriculture]. Magazine "Irrigation and melioration" №1(11), 2018 Pp. 13-18 (in Uzbek)

9	Атабаева Х.Н. Особенности возделывания сои в орошающей зоне Узбекистана // Матер. конф. «Аграрная наука на рубеже века». – Акмола. 1997. – 15 с.	Atabayeva X.N. <i>Osobennosti vozdelivaniya soi v oroshaemoy zone Uzbekistana</i> [Features of soybean cultivation in the irrigated zone of Uzbekistan]. Materials of conference "Agrarian science at the turn of the century", Akmola, 1997 Pp.15(in Russian)
10	Isaev S., Qodirov Z., Xamraev K., Atamuratov B., Sanaev X.-Scientific basis for soybean planting in the condition of grassy alluvial soil prone to salinization // Journal of Critical Reviews, Vol 7, Issue 4, 2020.	Isaev S., Qodirov Z., Xamraev K., Atamuratov B., Sanaev X. Scientific basis for soybean planting in the condition of grassy alluvial soil prone to salinization // Journal of Critical Reviews, Vol 7, Issue 4, 2020. (in Enlish)
11	Лытов М.Н. Технология возделывания сои на зерно при орошении. Автореф. дисс. к.с.х.н. – Москва, 2003. – 27 с.	Litov M.N. <i>Teknologiya vozdelivaniya soi na zerno pri oroshenii</i> [Technology of cultivating soybean during irrigation]. - M.N.Litov. Auth. dissertation Candidate of Agricultural Sciences. Moscow, 2003 Pp. 27 (in Enlish) (in Russian)
12	Дала тажрибаларини ўтказиш услублари. – Тошкент, 2007. – 148 б.	<i>Dala tajribalarini o'tkazish uslublari</i> [Mehtods of conducting field experiments]. Tashkent, 2007. P. 148. (in Uzbek)
13	Бобоев Ф., Тоштемиров А. Хар хил навларнинг ўсиши, ривожланиши, хосилдорлигига кўчат қалинлиги, сув ва озуқа режимларининг таъсири // Илмий-амалий конференция материаллари тўплами. – Тошкент, 2006. ЎзПИТИ. – Б. 436-437.	Boboyev F., Toshtemirov A. <i>Har xil navlarning o'sishi, rivojlanishi, hosildorligiga ko'chat qalinligi, suv va ozuqa rejimlarining ta'siri</i> [Effect of seedling thickness, irrigation and nutrition mode on different sorts of soybean growth, development and their productivity] Conference materials, UzPITI, Tashkent, 2006 Pp. 436-437 (in Uzbek)
14	Isaev, S.Kh., Kadirov, Z.Z., Khamraev, K.Sh., Atamuratov, B.N., Sanoev, Kh.A. Scientific basis for soybean planting in the condition of grassy alluvial soil prone to salinization-Journal of Critical Reviews, 2020, 7(4), стр. 354–360.	Isaev, S.Kh., Kadirov, Z.Z., Khamraev, K.Sh., Atamuratov, B.N., Sanoev, Kh.A. Scientific basis for soybean planting in the condition of grassy alluvial soil prone to salinization-Journal of Critical Reviews, 2020, 7(4), стр. 354–360. (in Enlish)
15	Isaev S., Qodirov Z., Saylikhanova M. and Fozilov Sh-Influence of elements of irrigation technology of medium and late varieties of soybean on soybean yield-IOP Conf. Series: Earth and Environmental Science 937 (2021) 022129	Isaev S., Qodirov Z., Saylikhanova M. and Fozilov Sh-Influence of elements of irrigation technology of medium and late varieties of soybean on soybean yield-IOP Conf. Series: Earth and Environmental Science 937 (2021) 022129 (in Enlish)
16	Isaev S., Safarova H., Najmuddinov M. and Jumabaev F.- Grain yield of repetitive mung bean variety Marjon, after autumn wheat - IOP Conf. Series: Earth and Environmental Science 937 (2021) 022132.	Isaev S., Safarova H., Najmuddinov M. and Jumabaev F.- Grain yield of repetitive mung bean variety Marjon, after autumn wheat - IOP Conf. Series: Earth and Environmental Science 937 (2021) 022132 (in Enlish)
17	Shamsiev A., Isaev S., Goziev G., Khusanov S., Khusanbaeva N. Efficiency of the irrigation norm for winter wheat and soy varieties in the typical land of Uzbekistan-IOP Conference Series: Earth and Environmental Science, 2022, 1068(1), 012025.	Shamsiev A., Isaev S., Goziev G., Khusanov S., Khusanbaeva N.- Efficiency of the irrigation norm for winter wheat and soy varieties in the typical land of Uzbekistan-IOP Conference Series: Earth and Environmental Science, 2022, 1068(1), 012025 (in Enlish)
18	Negmatova S, Namozov F, Karayev G, Xoliqov A. Theoretical and empirical scientific research: concept and trends. July 24, 2020. Oxford, United Kingdom Volume 1 102-105 English and Ukrainian.	Negmatova S, Namozov F, Karayev G, Xoliqov A. Theoretical and empirical scientific research: concept and trends. July 24, 2020. Oxford, United Kingdom Volume 1 102-105 English and Ukrainian. (in Enlish)
19	Babayeva N.A. The basic physical properties of Zarafshan valley's meadow soils saline with magnesium carbonates. International Conference on "Agriculture, Regional Innovation and International Cooperation" 4-5 May, SAMARKAND 2017. Pp. 48-49. (in Enlish)	Babayeva N.A. The basic physical properties of Zarafshan valley's meadow soils saline with magnesium carbonates. International Conference on "Agriculture, Regional Innovation and International Cooperation" 4-5 May, SAMARKAND 2017. Pp. 48-49. (in Enlish)
20	Babayeva N.A. The Compounds of the Alkali and Alkaline Earth Metals in the Zarafshan Valley's Meadow Saline Soils by Magnesium Carbonates. Regional and International Cooperation in Central Asia and South Caucasus: Recent Developments in agricultural Trade. 2-4 November, 2016. Samarkand/Uzbekistan.	Babayeva N.A. The Compounds of the Alkali and Alkaline Earth Metals in the Zarafshan Valley's Meadow Saline Soils by Magnesium Carbonates. Regional and International Cooperation in Central Asia and South Caucasus: Recent Developments in agricultural Trade. 2-4 November, 2016. Samarkand/Uzbekistan. (in Enlish)